

Ysgolion yr 21ain Ganrif Dogfen Grynhoi 2021

DARPARIAETH AR GYFER PLANT A PHOBL IFANC AG ANGHENION DYSGU
YCHWANEGOL (ADY)

DARPARIAETH AR GYFER ANGHENION DYSGU CYMHLETH A CHYFLYRAU
AR Y SBECTRWM AWTISTIAETH AR GYFER DYSGWYR 3 - 19 OED

14 RHAGFYR 2021 – 1 IONAWR 2022



Gellir darparu'r ddogfen hon mewn Braille.
Mae fersiwn lawn o'r ddogfen ymgynghori ar gael yn:
www.caerdydd.gov.uk/cynigionysgolADY

Gellir darparu gwybodaeth mewn ieithoedd cymunedol eraill hefyd os oes angen.
Cysylltwch â ni ar **029 2087 2720** i drefnu hyn .



Cefndir

Mae gweledigaeth 2030 Caerdydd ar gyfer addysgu a dysgu yng Nghaerdydd yn gosod nod Hawl Dysgu, lle gall pob plentyn a pherson ifanc:

- gael mynediad at lwybrau priodol i gyfleoedd addysgu a dysgu
- ffynnu a chyflawni eu potensial
- gwireddu eu breuddwydion a'u huchelgeisiau unigol

Mae'r llyfryn hwn yn cynnwys crynodeb o wybodaeth am gynigion i wella mynediad i addysg yn unol â'r egwyddorion cynhwysiant uchod.

Dyma'ch cyfle i ofyn cwestiynau a gwneud sylwadau. Rydym am wybod eich barn oherwydd mae hyn yn ein helpu i sicrhau bod unrhyw gynigion sy'n mynd yn eu blaenau wir yn gweithio i blant, pobl ifanc a chymunedau lleol yr ysgolion dan sylw.

Beth rydyn ni'n cynnig ei wneud?

Rydym yn cynnig:

- cynyddu nifer dynodedig Ysgol Arbennig Tŷ Gwyn o 198 i 240 lle o fis Medi 2022
- cynyddu nifer dynodedig Ysgol Arbennig Meadowbank o 40 i 98 lle o fis Medi 2022
- cynyddu nifer dynodedig Ysgol Arbennig The Hollies o 90 i 119 lle o fis Medi 2022
- cynyddu nifer dynodedig Ysgol Arbennig The Hollies ymhellach o 119 i 150 lle o fis Medi 2023
- cynyddu'r nifer dynodedig yng Nghanolfan Adnoddau Arbenigol Ysgol Gynradd Llanisien Fach i blant ag anghenion dysgu cymhleth o 20 i 30 lle o fis Medi 2023
- cynyddu'r nifer dynodedig yng Nghanolfan Adnoddau Arbenigol Ysgol Gynradd Marlborough i blant ag anghenion dysgu difrifol a chymhleth o 20 i 30 lle o fis Medi 2022
- cynyddu'r nifer dynodedig yng Nghanolfan Adnoddau Arbenigol Ysgol Gynradd Pentre-baen i blant ag awtistiaeth o 20 i 24 lle o fis Medi 2022
- cynyddu'r nifer dynodedig yng Nghanolfan Adnoddau Arbenigol Ysgol Gynradd Springwood i blant ag awtistiaeth o 20 i 28 lle o fis Medi 2022

Lle gallaf gael rhagor o wybodaeth?

- Ceir manylion llawn yn y Ddogfen Ymgynghori ar wefan y Cyngor yn www.caerdydd.gov.uk/cynigionysgolADY
- Os na allwch weld y ddogfen ar-lein, bydd copïau papur o'r ddogfen ymgynghori hon ar gael drwy'r post ar gais. Gallwch ofyn am gopi drwy ffonio **02920 872720**.
- Rydym wedi trefnu cyfarfod ar-lein a sesiynau galw heibio y gallwch fynd iddynt os hoffech i ni esbonio'r newidiadau arfaethedig i chi. Gallwch hefyd ofyn cwestiynau. Os hoffech fynychu cyfarfod ar-lein cysylltwch â ni drwy e-bostio ymatebionysgolion@caerdydd.gov.uk gan ddweud pa gyfarfod yr hoffech ei fynychu. Byddwn wedyn yn darparu dolen a chyfarwyddiadau ar gyfer mynychu'r cyfarfod.

Mae dyddiadau'r cyfarfod ymgynghori cyhoeddus a'r sesiynau galw heibio wedi eu nodi isod:

Tabl 1: Dyddiadau Cyfarfodydd Ymgynghori

Natur yr ymgynghoriad	Dyddiad / Amser	Lleoliad
Cyfarfod Cyhoeddus Ar-lein	Dydd Mercher 19 Ionawr 2022 5:30pm	Ar-lein drwy Microsoft Teams
Sesiynau galw heibio	Ar gais drwy e-bostio ymatebionysgolion@caerdydd.gov.uk	Ar-lein drwy Microsoft Teams

Mae cyfarfodydd ar wahân wedi eu trefnu ar gyfer staff a llywodraethwyr.

Mae barn plant a phobl ifanc yn allweddol i'r modd y darperir addysg. Byddwn yn ymgynghori â disgyblion ym mhob ysgol ac yn cynnwys eu hadborth yn yr adroddiad ymgynghori terfynol.

Sut gallaf roi fy marn?

- Gallwch fynychu'r cyfarfod cyhoeddus neu sesiwn galw heibio
- Gallwch roi eich barn ar www.caerdydd.gov.uk/cynigionysgolADY
- Gallwch lenwi'r ffurflen ymateb ar dudalennau 11-14 y llyfryn hwn.

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Pam ein bod yn cynnig y newidiadau hyn?

Llefydd ysgol – Rhaid i bob cyngor yng Nghymru gynnig digon o lefydd ysgol i ddisgyblion o bob oed. Rhaid i lefydd ysgol ateb anghenion yr holl ddisgyblion a rhaid iddynt fod yn addas ar gyfer unrhyw anghenion dysgu ychwanegol.

Pam fod angen mwy o lefydd?

Digonolrwydd yn y Sector Arbennig

Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol ac yn cael cymorth ychwanegol yno. Mae dysgwyr sydd ag anghenion mwy difrifol neu gymhleth yn mynychu ysgol arbennig neu Ganolfan Adnoddau Arbenigol. Mae nifer y disgyblion sydd angen lle mewn ysgol arbennig neu ganolfan adnoddau arbenigol wedi parhau i dyfu.

Mae Canolfan Adnoddau Arbenigol yn galluogi dysgwyr ag anawsterau dysgu i lwyddo mewn amgylchedd ysgol prif ffrwd. Gall hyn gynnwys disgyblion ag Anghenion Dysgu Cymhleth a/neu Gyflwr ar y Sbectrwm Awtistiaeth.

Caiff disgyblion mewn Canolfan Adnoddau Arbenigol eu haddysgu mewn dosbarth bach gan staff arbenigol ac maent yn elwa ar gwricwlwm arbenigol. Maent hefyd yn elwa o'r ystod lawn o gyfleoedd addysg sydd ar gael i bob disgybl yn yr ysgol.

Gellir addysgu disgyblion ag anghenion mwy cymhleth neu ddifrifol mewn ysgol arbennig.

Ar ddiwedd mis Mawrth 2021, roedd gan 2,265 o blant yng Nghaerdydd ddatganiad o Anghenion Addysgol Arbennig. Wrth i'r boblogaeth dyfu, felly hefyd bydd nifer y plant a'r bobl ifanc ag Anghenion Dysgu Ychwanegol sylweddol a chymhleth.

Yn 2020/21

- ariannwyd cyfanswm o 1,116 o leoedd mewn canolfannau adnoddau arbenigol neu ysgolion arbennig gan Gyngor Caerdydd
- roedd 48 o leoedd dros dro ar gael i ddysgwyr mewn Dosbarth Lles a Dosbarthiadau Lleferydd ac Iaith
- roedd 90 o leoedd ar gael yn yr Uned Cyfeirio Disgyblion (UCD)

Er bod nifer o leoliadau arbenigol ledled Caerdydd ar hyn o bryd, nid oes digon o leoedd ar gael. Rhagwelir y bydd nifer y plant a fyddai'n elwa o le arbenigol yn cynyddu dros y blynyddoedd nesaf.

Galw am leoedd – oedran cynradd

Yn 2021/22 mae cyfanswm o 413 o leoedd arbenigol ar gyfer disgyblion o oedran cynradd ag Anghenion Dysgu Cymhleth neu Gyflwr ar y Sbectrwm Awtistiaeth wedi'u hariannu gan Gyngor Caerdydd. Roedd y rhain mewn ysgolion a gynhelir yng Nghaerdydd ac mewn sefydliadau eraill a gomisiynwyd gan y Cyngor.

Bydd cynigion cymeradwy i ehangu Ysgol Arbennig Riverbank a'r Ganolfan Adnoddau Arbenigol yn Ysgol Gymraeg Pwll Coch yn cynyddu'r capasiti yng Nghaerdydd i 465 o leoedd arbenigol erbyn 2025/26.

Gan ganiatáu rhywfaint o le dros ben i gefnogi hyblygrwydd, y capasiti digonol fyddai 561 o leoedd yn 2021/22, a 602 o leoedd erbyn 2025/26.

I grynhoi, amcangyfrifir diffyg o 148 o leoedd ar gyfer dysgwyr o oedran cynradd yn 2021/22, gan ostwng i 137 erbyn 2025/26.

Galw am leoedd – oedran uwchradd

Yn 2021/22 mae cyfanswm o 461 o leoedd arbenigol ar gyfer disgyblion oedran uwchradd ag Anghenion Dysgu Cymhleth neu Gyflwr ar y Sbectwm Awtistiaeth wedi'u hariannu gan Gyngor Caerdydd. Roedd y rhain mewn ysgolion a gynhelir yng Nghaerdydd ac mewn sefydliadau eraill a gomisiynwyd gan y Cyngor.

Mae Llywodraeth Cymru wedi cymeradwyo cynnig i ehangu Ysgol Uwchradd Woodlands, a fyddai'n cynyddu'r capasiti yng Nghaerdydd i 561 o leoedd arbenigol erbyn 2025/26.

Gan ganiatáu rhywfaint o le dros ben i gefnogi hyblygrwydd, y capasiti digonol fyddai 638 o leoedd yn 2021/22, a 692 o leoedd erbyn 2025/26.

I grynhoi, amcangyfrifir diffyg o 177 o leoedd ar gyfer dysgwyr 11-18 oed yn 2021/22, gan ostwng i 131 erbyn 2025/26.

Cyflwr ac Addasrwydd Adeiladau Ysgol

Mae cyflwr adeiladau pob ysgol yng Nghaerdydd wedi eu hasesu. Maent wedi derbyn sgôr o A i D, gyda'r ysgolion â sgôr o D yn y cyflwr gwaethaf. Mae'r broses hon yn ein cynorthwyo i flaenoriaethu pa ysgolion sydd angen gwelliannau i'w hadeiladau a pha rai sydd angen buddsoddiad.

Mae manylion pellach am y sgorio yn y ddogfen ymgynghori yn:

www.caerdydd.gov.uk/cynigionysgolADY

Dosbarthiad daearyddol darpariaeth arbenigol


Nid yw lleoliad ysgolion arbennig, canolfannau adnoddau arbenigol a Dosbarthiadau Lles wedi'u dosbarthu'n dda ar draws y ddinas.

Gellir gweld map sy'n dangos lleoliad y ddarpariaeth arbenigol bresennol ar dudalen 6.

Gall diffyg canolfannau adnoddau arbenigol mewn rhai ardaloedd roi dysgwyr sy'n byw yn yr ardaloedd hynny dan anfantais. Mae rhai teuluoedd yn anghyfarwydd â'r ardaloedd lle mae'r ddarpariaeth wedi'i lleoli. Mae'n bosibl na all rhieni neu ofalwyr deithio'n hawdd i'r ardaloedd hynny.

Byddai dosbarthiad gwell o ganolfannau adnoddau arbenigol ar draws y ddinas yn gwella mynediad i ddisgyblion. Byddai'n lleihau amseroedd teithio i lawer o ddisgyblion, yn ogystal â chynyddu nifer y lleoedd sydd ar gael.

Ysgol Arbenning a Canolfan Adnoddau Arbennigol Caerdydd 2021



Special schools & SRBs: Type & Capacity

● Autism	(7)
● Behavioural, Emotional & Social Needs	(3)
● Hearing Impairment	(2)
● Profound & Multiple Learning Disabilities, Medical Needs, Autism	(1)
● Severe Learning Disabilities, Medical Needs, Speech and Language, Autism	(10)

This copy is produced specifically to supply County Council information. NO further copies may be made.
 Mae'r copi hwn wedi'i gynhyrchu'n benodol i gyflwyni gwybodaeth y Cynghor Sir. Ni ellir gennu'r copi hwn pellach.
 © Crown copyright and database rights 2017
 Ordnance Survey 100023376
 © Hantfais y Goron a hysbysu cronfa ddata 2017
 Awdur Ordnans 100023376

Cynnig i gynyddu nifer y lleoedd yn Ysgol Arbennig Tŷ Gwyn ar gyfer disgyblion ag anghenion dysgu cymhleth neu awtistiaeth

Mae Tŷ Gwyn yn ysgol arbennig sydd wedi'i lleoli yn Vincent Road yng Nghaerau. Mae'r ysgol yn derbyn disgyblion o bob rhan o'r awdurdod. Mae'r ysgol wedi'i ffedereiddio ag Ysgol Arbennig Riverbank ac Ysgol Uwchradd Woodlands, fel Ffederasiwn Campws Dysgu'r Gorllewin, ers mis Ionawr 2018.

Mae'r ysgol wedi'i dynodi i ddarparu 198 o leoedd ar gyfer dysgwyr 3-19 oed ag anghenion dysgu cymhleth neu awtistiaeth.

Er mwyn ateb y galw cynyddol am leoedd, bwriedir:

- cynyddu nifer dynodedig Ysgol Arbennig Tŷ Gwyn o 198 i 240 lle o fis Medi 2022.

Cynigir y byddai'r ysgol yn ehangu drwy addasu hen Ganolfan Ieuenctid Trelái i ddarparu llety a chyfleusterau ychwanegol.

Cynnig i gynyddu nifer y lleoedd yn Ysgol Arbennig Meadowbank ar gyfer disgyblion ag anghenion dysgu cymhleth

Mae Meadowbank yn ysgol arbennig sydd wedi'i lleoli yn Ystum Taf. Mae'r ysgol yn derbyn disgyblion o bob rhan o'r awdurdod.

Mae'r ysgol wedi'i dynodi ar gyfer hyd at 40 o leoedd i ddisgyblion 4 - 11 oed sydd ag anghenion lleferydd ac iaith a chyfathrebu ac anghenion dysgu cymhleth.

Er mwyn ateb y galw cynyddol am leoedd, bwriedir:

- cynyddu'r nifer dynodedig yn Ysgol Arbennig Meadowbank o 40 i 98 o fis Medi 2022.

Cynigir y byddai gwaith yn cael ei wneud i ddarparu llety a chyfleusterau newydd ac addasu'r llety presennol, er mwyn hwyluso twf yr ysgol.

Cynnig i gynyddu nifer y lleoedd yn Ysgol Arbennig The Hollies i ddisgyblion ag awtistiaeth

Mae'r Hollies yn ysgol arbennig ym Mryn Heulog ym Mhentwyn. Mae'r ysgol yn derbyn disgyblion o bob rhan o'r awdurdod.

Mae'r ysgol wedi'i dynodi i ddarparu 90 o leoedd ar gyfer dysgwyr 4-11 oed ag awtistiaeth.

Er mwyn ateb y galw cynyddol am leoedd, bwriedir:

- cynyddu nifer dynodedig Ysgol Arbennig The Hollies o 90 i 119 o fis Medi 2022
- cynyddu nifer dynodedig Ysgol Arbennig The Hollies ymhellach o 119 i 150 o fis Medi 2023

Cynigir y byddai adeiladau'r ysgol yn cael eu hymestyn i ddarparu ystafelloedd dosbarth ychwanegol, yn ogystal â gwaith sy'n mynd rhagddo nawr i wella'r cyfleusterau presennol ac i sefydlu ystafelloedd dosbarth ychwanegol yn y llety presennol.

Cynnig i gynyddu nifer y lleoedd yng Nghanolfan Adnoddau Arbenigol (CAA) Ysgol Gynradd Llanisien Fach ar gyfer disgyblion ag anghenion dysgu cymhleth

Mae Ysgol Gynradd Llanisien Fach yn ysgol gynradd gymunedol cyfrwng Saesneg ar gyfer disgyblion 3 – 11 oed. Mae'r ysgol yn Heol Uchaf, Rhiwbeina.

Mae'r ysgol yn gartref i Ganolfan Adnoddau Arbenigol ag 20 lle i blant ag anghenion dysgu cymhleth.

Er mwyn ateb y galw cynyddol am leoedd, bwriedir:

- cynyddu'r nifer dynodedig yng Nghanolfan Adnoddau Arbenigol Ysgol Gynradd Llanisien Fach i blant ag anghenion dysgu cymhleth o 20 i 30 lle o fis Medi 2023

Cynigir y byddai gwaith yn cael ei wneud i ddarparu llety a chyfleusterau newydd, er mwyn hwyluso twf y ganolfan adnoddau.

Cynnig i gynyddu nifer y lleoedd yng Nghanolfan Adnoddau Arbenigol (CAA) Ysgol Gynradd Marlborough ar gyfer disgyblion ag anghenion dysgu difrifol a chymhleth

Mae Ysgol Gynradd Marlborough yn ysgol gynradd gymunedol cyfrwng Saesneg ar gyfer disgyblion 3 – 11 oed. Mae'r ysgol wedi'i lleoli yn Heol Blenheim, Pen-y-lan.

Mae'r ysgol yn gartref i Ganolfan Adnoddau Arbenigol i ddisgyblion ag anghenion dysgu dwys a chymhleth.

Er mwyn ateb y galw cynyddol am leoedd, bwriedir:

- cynyddu'r nifer dynodedig yng Nghanolfan Adnoddau Arbenigol Ysgol Gynradd Marlborough i blant ag anghenion dysgu difrifol a chymhleth o 20 i 30 o fis Medi 2022

Gwnaed gwaith i addasu'r llety sy'n bodoli eisoes yn yr ysgol i gynyddu capasiti'r ganolfan adnoddau ac i ddarparu ystafell synhwyaidd.

Cynnig i gynyddu nifer y lleoedd yng Nghanolfan Adnoddau Arbenigol (CAA) Ysgol Gynradd Pentre-baen ar gyfer disgyblion ag awtistiaeth

Mae Ysgol Gynradd Pentre-baen yn ysgol gynradd gymunedol cyfrwng Saesneg ar gyfer disgyblion 3 – 11 oed. Mae'r ysgol wedi'i lleoli yn Rhodfa Beechley, Pentre-baen.

Mae'r ysgol yn gartref i ganolfan adnoddau arbenigol gynradd ar gyfer plant ag awtistiaeth.

Er mwyn ateb y galw cynyddol am leoedd, bwriedir:

- cynyddu'r nifer dynodedig yng Nghanolfan Adnoddau Arbenigol Ysgol Gynradd Pentre-baen i blant ag awtistiaeth o 20 i 24 lle o fis Medi 2022

Cynigir y byddai gwaith yn cael ei wneud i wella ac ymestyn cyfleusterau a llety.

Cynnig i gynyddu nifer y lleoedd yng Nghanolfan Adnoddau Arbenigol (CAA) Ysgol Gynradd Springwood ar gyfer disgyblion ag awtistiaeth

Mae Ysgol Gynradd Springwood yn ysgol gynradd gymunedol cyfrwng Saesneg ar gyfer disgyblion 3 – 11 oed. Mae'r ysgol wedi'i lleoli yn Circle Way, Llanedern.

Mae'r ysgol yn gartref i ganolfan adnoddau arbenigol ar gyfer plant ag awtistiaeth.

Er mwyn ateb y galw cynyddol am leoedd, bwriedir:

- cynyddu'r nifer dynodedig yng Nghanolfan Adnoddau Arbenigol Ysgol Gynradd Springwood i blant ag awtistiaeth o 20 i 28 o fis Medi 2022

Gwnaed gwaith i wella ac addasu'r llety sy'n bodoli eisoes yn yr ysgol.

Materion trafndiaeth

Mae'r Cyngor yn defnyddio'r meini prawf pellter cerdded cymwys statudol o ddwy filltir i ddisgyblion oedran cynradd fod yn gymwys i gael trafndiaeth am ddim o'r cartref i ysgolion arbennig a chanolfannau adnoddau arbenigol. Ar gyfer oedran uwchradd, tair milltir yw'r pellter hwn. Efallai y bydd rhai dysgwyr sy'n byw o fewn y pellteroedd hyn yn cael trafndiaeth am ddim oherwydd eu hanghenion unigol a materion cymdeithasol.

Disgwylir i'r cynigion gynyddu'r galw am Drafndiaeth i Ddysgwyr mewn nifer o ysgolion. Efallai y bydd angen cyfleusterau gwell a/neu ehangach priodol ar gyfer gollwng a chasglu o fewn y safleoedd i ddarparu ar gyfer y nifer priodol o gerbydau.

Mae Cynllun Corfforaethol presennol y Cyngor yn cynnwys ymrwymiad i bob ysgol yng Nghaerdydd ddatblygu Cynllun Teithio Llesol.

Ceir rhagor o wybodaeth am faterion trafndiaeth yn y ddogfen ymgynghori yn www.caerdydd.gov.uk/cynigionysgolADY

Ansawdd a Safonau

Mae pob ysgol yng Nghymru yn cael ei harolygu gan Estyn.

Mae Estyn yn sicrhau bod ysgolion yn cynnig safon dda o addysg i'w disgyblion a bod pob plentyn yn cael ei gefnogi i ddysgu gan staff addysgu a dysgu rhagorol.

Mae ysgolion hefyd yn cael eu gosod i mewn i un o bedwar categori cymorth lliw (gwyrdd, melyn, oren a choch) fel rhan o System Genedlaethol ar gyfer Categori Ysgolion Llywodraeth Cymru. Ysgolion Oren a Choch yw'r rhai sydd angen y cymorth mwyaf.

Amlinellir manylion y safonau ym mhob ysgol, fel y nodwyd yn ei hadroddiad Estyn diweddaraf, yn y tabl isod.

Mae'r lliwiau a ddefnyddir yn dangos y categori diweddaraf, gan ddefnyddio proses Categori Ysgolion Llywodraeth Cymru ym mis Ionawr 2020.

Ysgol	Dyddiad yr Arolwg	Safonau	Cynnydd
Ysgol Arbennig Tŷ Gwyn	Mai 2012	Ardderchog	Dd/b
Ysgol Arbennig Meadowbank	Tachwedd 2019	Digonol	Dd/b
Ysgol Arbennig The Hollies	Hydref 2019	Da	Dd/b
Ysgol Gynradd Llanisien Fach	Ebrill 2014	Da	Dd/b
Ysgol Gynradd Marlborough	Tachwedd 2018	Da	Dd/b
Ysgol Gynradd Pentre-baen	Mawrth 2015	Da	Dd/b
Ysgol Gynradd Springwood	Mawrth 2018	Da	Dd/b

Ceir rhagor o fanylion am ansawdd a safonau yn y ddogfen ymgynghori ar wefan y Cyngor yn www.caerdydd.gov.uk/cynigionysgolADY

Beth yw manteision y newidiadau arfaethedig?

- Byddai pob un o'r cynigion yn cynyddu nifer y lleoedd arbenigol ar gyfer dysgwyr oedran cynradd sydd ag Anghenion Dysgu Cymhleth a/neu Gyflwr ar y Sbectwm Awtistiaeth ac yn helpu i ateb y galw a ragwelir.
- Byddai'r cynnig i ehangu Ysgol Arbennig Tŷ Gwyn hefyd yn cynyddu nifer y lleoedd arbenigol ar gyfer dysgwyr 3-19 oed sydd â'r Anghenion Dysgu Cymhleth a/neu Gyflwr Sbectwm Awtistiaeth mwyaf cymhleth / difrifol.
- Byddai'r cyfle i gyflogi staff arbenigol ychwanegol a gweithio'n agosach gyda gwasanaethau arbenigol yng Nghaerdydd yn gwella addysgu cynhwysol mewn ysgolion. Byddai hyn o fudd i bob disgybl ym mhob ysgol.
- Byddai'r cynnig i ehangu lleoedd yn caniatáu i ddisgyblion deithio pellteroedd llai i gael mynediad at ddarpariaeth arbenigol leol.

Anfanteision posibl y newidiadau arfaethedig

- Gall newid fod yn anodd i rai disgyblion ag ADY. Efallai y byddai symud i adeilad newydd ar safle newydd yn peri gofid iddynt. Gwyddom y bydd angen cymorth wedi'i gynllunio'n ofalus arnynt i addasu i'r lleoliad newydd. Fodd bynnag, byddai digon o amser i gynllunio a chefnogi cyfnod pontio o'r fath.
- Gallai fod mwy o dagfeydd traffig o amgylch safleoedd ysgol ar ddechrau a diwedd y diwrnod ysgol. Byddai'r Cyngor yn gweithio gyda Chorff Llywodraethu'r ysgol i ddatblygu Cynllun Teithio i leihau unrhyw darfu posibl.

Beth fyddai'r effaith ar staff?

Bydd y Cyngor yn gweithio gyda Chyrff Llywodraethu pob ysgol i fynd i'r afael â'r goblygiadau AD sy'n deillio o'r newidiadau a gynigir. Efallai y bydd angen staff ychwanegol.

Lle mae'r Corff Llywodraethu wedi mabwysiadu Polisi Adleoli a Diswyddo Ysgolion y Cyngor, bydd unrhyw swyddi gwag newydd sy'n codi o ganlyniad i'r newidiadau a gynigir yn rhoi cyfleoedd i staff ysgol sydd ar y gofrestr adleoli ysgolion.

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad.

Os bydd y Cabinet yn penderfynu parhau â'r cynigion, rhaid iddo gyhoeddi dogfen o'r enw 'hysbysiad statudol'. Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor o fewn y dyddiadau a nodir ar yr hysbysiad.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Unwaith y bydd penderfyniad yn cael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.

Dweud Eich Dweud

Gallwch gwblhau'r ymateb hwn ar-lein yn www.caerdydd.gov.uk/cynigionysgolADY

Rydym yn cynnig:

- cynyddu nifer dynodedig Ysgol Arbennig Tŷ Gwyn o 198 i 240 lle o fis Medi 2022
- cynyddu nifer dynodedig Ysgol Arbennig Meadowbank o 40 i 98 lle o fis Medi 2022
- cynyddu nifer dynodedig Ysgol Arbennig The Hollies o 90 i 119 lle o fis Medi 2022
- cynyddu nifer dynodedig Ysgol Arbennig The Hollies ymhellach o 119 i 150 lle o fis Medi 2023
- cynyddu'r nifer dynodedig yng Nghanolfan Adnoddau Arbenigol Ysgol Gynradd Llanisien Fach i blant ag anghenion dysgu cymhleth o 20 i 30 lle o fis Medi 2023
- cynyddu'r nifer dynodedig yng Nghanolfan Adnoddau Arbenigol Ysgol Gynradd Marlborough i blant ag anghenion dysgu difrifol a chymhleth o 20 i 30 lle o fis Medi 2022
- cynyddu'r nifer dynodedig yng Nghanolfan Adnoddau Arbenigol Ysgol Gynradd Pentre-baen i blant ag awtistiaeth o 20 i 24 lle o fis Medi 2022
- cynyddu'r nifer dynodedig yng Nghanolfan Adnoddau Arbenigol Ysgol Gynradd Springwood i blant ag awtistiaeth o 20 i 28 lle o fis Medi 2022

Mae eich barn o bwys. Rhannwch eich barn ar y cynigion gyda ni drwy:

- Lenwi a dychwelyd yr holiadur cysylltiedig i'r cyfeiriad a roddir ar waelod y ffurflen.
- Llenwi'r ffurflen ymateb ar-lein yn www.caerdydd.gov.uk/cynigionysgolADY
- Os byddai'n well gennych, gallwch e-bostio eich sylwadau i: ymatebionysgolion@caerdydd.gov.uk

Y dyddiad cau ar gyfer cyflwyno ymatebion i'r ymgynghoriad hwn yw Dydd Llun 1 Chwefror 2022.

Yn anffodus ni ellir ystyried unrhyw ymatebion a dderbynnir ar ôl y dyddiad hwn.

1. Fel pa un o'r canlynol ydych chi'n ymateb?

- Rhiant
- Athro – nodwch eich ysgol _____
- Llywodraethwr ysgol – nodwch eich ysgol _____
- Arall - rhwch fanylion _____

2. A oes gennych chi blentyn/plant wedi eu cofrestru yn yr ysgolion canlynol? (ticiwch

- | | |
|---|--|
| <input type="checkbox"/> Ysgol Arbennig Tŷ Gwyn | <input type="checkbox"/> Ysgol Gynradd Pentre-baen |
| <input type="checkbox"/> Ysgol Arbennig Meadowbank | <input type="checkbox"/> Ysgol Gynradd Springwood |
| <input type="checkbox"/> Ysgol Arbennig The Hollies | <input type="checkbox"/> Arall - nodwch..... |
| <input type="checkbox"/> Ysgol Gynradd Llanisien Fach | _____ |
| <input type="checkbox"/> Ysgol Gynradd Marlborough | <input type="checkbox"/> Dd/B |

3. A ydych yn cefnogi'r cynlluniau a gyflwynwyd i wella'r ddarpariaeth ar gyfer Plant a Phobl Ifanc ag anghenion dysgu ychwanegol?

YDW


NAC YDW

DDIM YN GWYBOD


4. Ydych chi'n cefnogi'r cynnig ar gyfer pob un o'r safleoedd ysgol?

Ysgol a'r cynnig yn gryno	Ydw	Nac ydw	Ddim yn gwybod
<p>Ysgol Arbennig Tŷ Gwyn</p> <ul style="list-style-type: none"> cynyddu nifer dynodedig Ysgol Arbennig Tŷ Gwyn o 198 i 240 lle o fis Medi 2022 			
<p>Ysgol Arbennig Meadowbank</p> <ul style="list-style-type: none"> cynyddu nifer dynodedig Ysgol Arbennig Meadowbank o 40 i 98 lle o fis Medi 2022 			
<p>Ysgol Arbennig The Hollies</p> <ul style="list-style-type: none"> cynyddu nifer dynodedig Ysgol Arbennig The Hollies o 90 i 119 lle o fis Medi 2022 cynyddu nifer dynodedig Ysgol Arbennig The Hollies ymhellach o 119 i 150 lle o fis Medi 2023 			
<p>Ysgol Gynradd Llanisien Fach</p> <ul style="list-style-type: none"> cynyddu'r nifer dynodedig yng Nghanolfan Adnoddau Arbenigol Ysgol Gynradd Llanisien Fach i blant ag anghenion dysgu cymhleth o 20 i 30 lle o fis Medi 2023 			
<p>Ysgol Gynradd Marlborough</p> <ul style="list-style-type: none"> cynyddu'r nifer dynodedig yng Nghanolfan Adnoddau Arbenigol Ysgol Gynradd Marlborough i blant ag anghenion dysgu difrifol a chymhleth o 20 i 30 lle o fis Medi 2022 			
<p>Ysgol Gynradd Pentre-baen</p> <ul style="list-style-type: none"> cynyddu'r nifer dynodedig yng Nghanolfan Adnoddau Arbenigol Ysgol Gynradd Pentre-baen i blant ag awtistiaeth o 20 i 24 lle o fis Medi 2022 			
<p>Ysgol Gynradd Springwood</p> <ul style="list-style-type: none"> cynyddu'r nifer dynodedig yng Nghanolfan Adnoddau Arbenigol Ysgol Gynradd Springwood i blant ag awtistiaeth o 20 i 28 lle o fis Medi 2022 			

5. Os ydych chi neu os nad ydych chi'n cefnogi'r newidiadau a gynigir, eglurwch pam.



6. A hoffech chi awgrymu unrhyw newidiadau neu ddewisiadau amgen?



7. Sylwadau ychwanegol

Enw _____

Cyfeiriad _____

Cod post _____

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Ni fydd y Cyngor yn gallu ystyried unrhyw ymatebion i'r ymgynghoriad a geir ar ôl y dyddiad hwn.

Ni fydd yr ymatebion i'r ymgynghoriad hwn yn cyfrif fel gwrthwynebiadau i'r cynnig.

Dim ond ar ôl cyhoeddi hysbysiad statudol y gellir cyflwyno gwrthwynebiadau.

Os hoffech gael gwybod pan gyhoeddir adroddiad yr Ymgynghoriad, nodwch eich cyfeiriad e-bost. Os na roddwch gyfeiriad e-bost i ni, ni fydd modd i ni roi'r wybodaeth ddiweddaraf i chi.

Diolch i chi am eich sylwadau.

Dychwelwch y ffurflen hon at y Tîm Cynllunio Trefniadaeth Ysgolion, Ystafell 401, Neuadd y Sir, CF10 4UW neu drwy e-bost i ymatebionysgolion@caerdydd.gov.uk erbyn 1 Chwefror 2022 ar yr hwyraf.

AMDANOCH CHI

Nodwch eich cod post isod i'n galluogi i nodi barn ac anghenion ymatebwyr yn fanylach fesul ardal:-

Faint oedd eich oed ar eich pen-blwydd diwethaf?

- Dan 16 oed 25-34 45-54 65-74 Mae'n well gennyf beidio â dweud
 16-24 35-44 55-64 75+

Ydych chi yn.....?

- Benyw Gwryw Arall Mae'n well gennyf beidio â dweud

Ydych chi'n eich ystyried eich hun yn berson anabl?

- Byddwn Nac oes Mae'n well gennyf beidio â dweud

Ticiwch unrhyw un o'r canlynol sy'n berthnasol i chi:

- Byddar/Wedi colli clyw/Yn drwm eich clyw Nam ar y golwg Salwch neu gyflwr iechyd hirdymor
(e.e. canser, diabetes neu asthma)
 Anawsterau iechyd meddwl Defnyddiwr cadair olwyn Mae'n well gennyf beidio â dweud
 Nam/anawsterau dysgu Nam symudedd Arall

Rhowch fanylion _____

Beth yw eich grŵp ethnig?

Pan ddefnyddir y term 'Prydeinig', mae hyn yn cyfeirio at y pedair gwlad gartref, sef Cymru, Lloegr, Gogledd Iwerddon a'r Alban, neu gyfuniad o'r rhain.

- | | |
|---|---|
| <input type="checkbox"/> Gwyn - Cymreig/Seisnig/Albanaidd/o Ogledd Iwerddon/Prydeinig | <input type="checkbox"/> Asiaidd/Asiaidd Cymreig/Prydeinig - Bangladeshaidd |
| <input type="checkbox"/> Gwyn - Gwyddelig | <input type="checkbox"/> Asiaidd/Asiaidd Cymreig/Prydeinig - Indiaidd |
| <input type="checkbox"/> Gwyn - Sipsi neu Deithiwr Gwyddelig | <input type="checkbox"/> Asiaidd/Asiaidd Cymreig/Prydeinig - Unrhyw gefndir arall |
| <input type="checkbox"/> Gwyn - Unrhyw gefndir gwyn arall | <input type="checkbox"/> Du/Affricanaidd/Caribiaidd/Du Cymreig/Prydeinig - Affricanaidd |
| <input type="checkbox"/> Grwpiau Cymysg/Aml-ethnig - Gwyn ac Asiaidd | <input type="checkbox"/> Du/Affricanaidd/Caribiaidd/Du Cymreig/Prydeinig - Caribiaidd |
| <input type="checkbox"/> Grwpiau Cymysg/Aml-ethnig - Gwyn a Du Caribiaidd | <input type="checkbox"/> Du/Affricanaidd/Caribiaidd/Du Cymreig/Prydeinig - Unrhyw gefndir arall |
| <input type="checkbox"/> Grwpiau Cymysg/Aml-ethnig - Gwyn a Du Affricanaidd | <input type="checkbox"/> Arabaidd |
| <input type="checkbox"/> Grwpiau Cymysg/Aml-ethnig - Unrhyw un arall | <input type="checkbox"/> Unrhyw grŵp ethnig arall (rhowch fanylion) |
| <input type="checkbox"/> Asiaidd/Asiaidd Cymreig/Prydeinig - Tsieineaidd | |
| <input type="checkbox"/> Asiaidd/Asiaidd Cymreig/Prydeinig - Pacistanaidd | |
- _____ Mae'n well gennyf beidio â dweud

Caiff y wybodaeth rydych wedi'i rhoi ei phrosesu gan Gyngor Caerdydd yn unol â Deddf Diogelu Data 2018 a'r Rheoliad Diogelu Data Cyffredinol. Caiff y wybodaeth rydych wedi'i rhoi i ni mewn perthynas â'r ymgynghoriad hwn ei thrin yn gyfrinachol ond gallai gael ei defnyddio gan y Cyngor neu'i datgelu i eraill yn ôl y gyfraith. Mae angen prosesu data personol er mwyn cyflawni tasgau penodol er budd y cyhoedd. Gydag unrhyw ymatebion a ddaw i law, bydd modd gwneud cais amdanynt o dan y Ddeddf Rhyddid Gwybodaeth ac mae'n bosibl y bydd yn rhaid eu gwneud yn gyhoeddus. Wedi dweud hynny, byddai gwybodaeth sy'n cynnwys manylion personol fel enw a chyfeiriad unigolyn yn cael eu tynnu allan. Am ragor o wybodaeth ynghylch sut mae Cyngor Caerdydd yn rheoli gwybodaeth bersonol, gweler ein Polisi Preifatrwydd llawn ar wefan y Cyngor www.cardiff.gov.uk/CYM/Hafan/Ymwadiad/Pages/default.aspx

Ysgolion yr 21ain Ganrif Dogfen Grynhoi 2021

DARPARIAETH AR GYFER PLANT A PHOBL IFANC AG ANGHENION DYSGU
YCHWANEGOL (ADY):

DARPARIAETH AR GYFER ANGHENION DYSGU CYMHLETH A CHYFLYRAU
AR Y SBECTRWM AWTISTIAETH AR GYFER DYSGWYR 11 - 19 OED

14 RHAGFYR 2021 – 1 CHWEFROR 2022



Gellir darparu'r ddogfen hon mewn Braille.
Mae fersiwn lawn o'r ddogfen ymgynghori ar gael yn:
www.caerdydd.gov.uk/cynigionysgolADY

Gellir darparu gwybodaeth mewn ieithoedd cymunedol eraill hefyd os oes angen.
Cysylltwch â ni ar **029 2087 2720** i drefnu hyn



Cefndir

Mae gweledigaeth 2030 Caerdydd ar gyfer addysgu a dysgu yng Nghaerdydd yn gosod nod Hawl Dysgu, lle gall pob plentyn a pherson ifanc:

- gael mynediad at lwybrau priodol i gyfleoedd addysgu a dysgu
- ffynnu a chyflawni ei botensial
- gwireddu ei freuddwydion a'i uchelgeisiau unigol

Mae'r llyfryn hwn yn cynnwys crynodeb o wybodaeth am gynigion i wella mynediad i addysg yn unol â'r egwyddorion cynhwysiant uchod.

Dyma'ch cyfle i ofyn cwestiynau ac i wneud sylwadau. Rydym am wybod eich barn oherwydd mae hyn yn ein helpu i sicrhau bod unrhyw gynigion sy'n mynd yn eu blaenau wir yn gweithio i blant, pobl ifanc a chymunedau lleol yr ysgolion dan sylw.

Beth rydym yn cynnig ei wneud?

Rydym yn cynnig:

- cynyddu'r nifer dynodedig yng Nghanolfan Adnoddau Arbenigol Ysgol Uwchradd yr Eglwys Newydd ar gyfer dysgwyr ag anghenion dysgu cymhleth o 70 i 100 o fis Medi 2022
- sefydlu Canolfan Adnoddau Arbenigol 30 lle ar gyfer dysgwyr ag anghenion dysgu cymhleth yn Ysgol Uwchradd Willows o fis Medi 2023
- cynyddu'r nifer dynodedig yng Nghanolfan Adnoddau Arbenigol Ysgol Uwchradd Llanisien i ddysgwyr â chyflwr y Sbectrwm Awtistig o 20 i 45 o lefydd a hynny o fis Medi 2022
- cynyddu'r nifer dynodedig yng Nghanolfan Adnoddau Arbenigol Canolfan Marion yn Ysgol Uwchradd yr Eglwys yng Nghymru Esgob Llandaf i ddysgwyr â chyflwr y Sbectrwm Awtistig o 42 i 66 o lefydd o fis Medi 2022
- sefydlu Canolfan Adnoddau Arbenigol 30 lle yn Ysgol Gyfun Glantaf ar gyfer dysgwyr ag awtistiaeth i gyd-fynd â'r yn Ganolfan Adnoddau Arbenigol 30 lle bresennol, a hynny o fis Medi 2023

Ble gallaf gael rhagor o wybodaeth?

- Ceir manylion llawn yn y Ddogfen Ymgynghori ar wefan y Cyngor yn www.caerdydd.gov.uk/cynigionysgolADY
- Os na allwch weld y ddogfen ar-lein, bydd copïau papur o'r ddogfen ymgynghori hon ar gael drwy'r post ar gais. Gallwch ofyn am gopi drwy ffonio 02920 872720.

- Rydym wedi trefnu cyfarfod ar-lein a sesiynau galw heibio y gallwch fynd iddynt os hoffech i ni esbonio'r newidiadau arfaethedig i chi. Gallwch hefyd ofyn cwestiynau. Os hoffech fynd i gyfarfod ar-lein cysylltwch â ni drwy e-bostio ymatebionysgolion@caerdydd.gov.uk gan nodi'r cyfarfod yr hoffech fynd iddo. Byddwn wedyn yn darparu dolen a chyfarwyddiadau ar gyfer mynychu'r cyfarfod.

Mae dyddiadau'r cyfarfod ymgynghori cyhoeddus a'r sesiynau galw heibio wedi eu nodi isod:

Tabl 1: Dyddiadau Cyfarfodydd Ymgynghori		
Natur yr ymgynghoriad	Dyddiad / Amser	Lleoliad
Cyfarfod Cyhoeddus Ar-lein	Dydd Mercher 19 Ionawr 2022 5:30pm	Ar-lein drwy Microsoft Teams
Sesiynau galw heibio	Ar gais drwy e-bostio ymatebionysgolion@caerdydd.gov.uk	Ar-lein drwy Microsoft Teams

Mae cyfarfodydd ar wahân wedi eu trefnu ar gyfer staff a llywodraethwyr.

Mae barn plant a phobl ifanc yn allweddol i'r modd y darperir addysg. Byddwn yn ymgynghori â disgyblion ym mhob ysgol ac yn cynnwys eu hadborth yn yr adroddiad ymgynghori terfynol.

Sut gallaf roi fy marn?

- Gallwch fynd i gyfarfod cyhoeddus neu sesiwn galw heibio
- Gallwch roi eich barn ar www.caerdydd.gov.uk/cynigionysgolADY
- Gallwch lenwi'r ffurflen ymateb yng nghefn y llyfryn hwn.

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Pam ein bod yn cynnig y newidiadau hyn?

Lleoedd ysgol

Rhaid i bob cyngor yng Nghymru gynnig digon o leoedd ysgol i ddisgyblion o bob oed. Rhaid i lefydd ysgol ateb anghenion yr holl ddisgyblion a rhaid iddynt fod yn addas ar gyfer unrhyw anghenion dysgu ychwanegol.

Pam fod angen mwy o leoedd?

Digonolrwydd yn y Sector Arbennig

Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol ac yn cael cymorth ychwanegol yno. Mae dysgwyr sydd ag anghenion mwy difrifol neu gymhleth yn mynychu ysgol arbennig neu Ganolfan Adnoddau Arbenigol. Mae nifer y disgyblion sydd angen lle mewn ysgol arbennig neu ganolfan adnoddau arbenigol wedi parhau i dyfu.

Mae Canolfan Adnoddau Arbenigol yn galluogi dysgwyr ag anawsterau dysgu i lwyddo mewn amgylchedd ysgol prif ffrwd. Gall hyn gynnwys disgyblion ag Anghenion Dysgu Cymhleth a/neu Gyflwr ar y Sbectrwm Awtistiaeth.

Caiff disgyblion mewn Canolfan Adnoddau Arbenigol eu haddysgu mewn dosbarth bach gan staff arbenigol ac maent yn elwa ar gwricwlwm arbenigol. Maent hefyd yn elwa o'r ystod lawn o gyfleoedd addysg sydd ar gael i bob disgybl yn yr ysgol.

Ar ddiwedd mis Mawrth 2021, roedd gan 2,265 o blant yng Nghaerdydd ddatganiad Anghenion Addysgol Arbennig. Wrth i'r boblogaeth dyfu, felly hefyd bydd nifer y plant a'r bobl ifanc ag Anghenion Dysgu Ychwanegol sylweddol a chymhleth.

Yn 2020/21

- ariannwyd cyfanswm o 1,116 o leoedd mewn canolfannau adnoddau arbenigol neu ysgolion arbennig gan Gyngor Caerdydd
- roedd 48 o leoedd dros dro ar gael i ddysgwyr mewn Dosbarth Lles a Dosbarthiadau Lleferydd ac Iaith
- roedd 90 o leoedd ar gael yn yr Uned Cyfeirio Disgyblion (UCD)

Er bod nifer o leoliadau arbenigol ledled Caerdydd ar hyn o bryd, nid oes digon o leoedd ar gael. Rhagwelir y bydd nifer y plant a fyddai'n elwa o le arbenigol yn cynyddu dros y blynyddoedd nesaf.

Galw am leoedd

Yn 2021/22 mae cyfanswm o 461 o leoedd arbenigol ar gyfer disgyblion oedran uwchradd ag Anghenion Dysgu Cymhleth neu Gyflwr ar y Sbectrwm Awtistiaeth wedi'u hariannu gan Gyngor Caerdydd. Roedd y rhain mewn ysgolion a gynhelir yng Nghaerdydd ac mewn sefydliadau eraill a gomisiynwyd gan y Cyngor.

Mae Llywodraeth Cymru wedi cymeradwyo cynnig i ehangu Ysgol Uwchradd Woodlands, a fyddai'n cynyddu'r capasiti yng Nghaerdydd i 561 o leoedd arbenigol erbyn 2025/26.

Gan ganiatáu rhywfaint o le dros ben i gefnogi hyblygrwydd, y capasiti digonol fyddai 638 o leoedd yn 2021/22, a 692 o leoedd erbyn 2025/26.

I grynhoi, amcangyfrifir diffyg o 177 o leoedd ar gyfer dysgwyr 11-18 oed yn 2021/22, gan ostwng i 131 erbyn 2025/26.

Cyflwr ac Addasrwydd Adeiladau Ysgol

Mae cyflwr adeiladau pob ysgol yng Nghaerdydd wedi ei asesu. Mae pob adeilad wedi derbyn sgôr o A i D, gyda'r ysgolion â sgôr o D yn y cyflwr gwaethaf. Mae'r broses hon yn ein cynorthwyo i flaenoriaethu'r ysgolion sydd angen gwelliannau i'w hadeiladau a'r ysgolion sydd angen buddsoddiad.

Mae manylion pellach am y sgorio yn y ddogfen ymgynghori yn:

www.caerdydd.gov.uk/cynigionysgolADY

Dosbarthiad daeryddol darpariaeth arbenigol


Nid yw lleoliad canolfannau adnoddau arbenigol a Dosbarthiadau Lles wedi'u dosbarthu'n dda ar draws y ddinas.

Gellir gweld map sy'n dangos lleoliad y ddarpariaeth arbenigol bresennol isod.

Gall diffyg canolfannau adnoddau arbenigol mewn rhai ardaloedd roi dysgwyr sy'n byw yn yr ardaloedd hynny dan anfantais. Mae rhai teuluoedd yn anghyfarwydd â'r ardaloedd lle mae'r ddarpariaeth wedi'i lleoli. Mae'n bosibl na all rhieni neu ofalwyr deithio'n hawdd i'r ardaloedd hynny.

Byddai dosbarthiad gwell o ganolfannau adnoddau arbenigol ar draws y ddinas yn gwella mynediad i ddisgyblion. Byddai'n lleihau amseroedd teithio i lawer o ddisgyblion, yn ogystal â chynyddu nifer y lleoedd sydd ar gael.

Ysgol Arbenigol a Canolfan Adnoddau Arbennigol Caerdydd 2021



Special schools & SRBs: Type & Capacity	
Autism	(7)
Behavioural, Emotional & Social Needs	(3)
Hearing Impairment	(2)
Profound & Multiple Learning Disabilities, Medical Needs, Autism	(1)
Severe Learning Disabilities, Medical Needs, Speech and Language, Autism	(10)

This map is intended as a guide only. It does not represent the actual locations of all special schools and SRBs. For more information, please contact the relevant school or the City Council. © City of Cardiff Council 2021

Materion trafndiaeth

Mae'r Cyngor yn defnyddio'r meini prawf pellter cerdded cymwys statudol o dair milltir i ddisgyblion uwchradd fod yn gymwys i gael trafndiaeth am ddim o'r cartref i ysgolion arbennig a chanolfannau adnoddau arbenigol. Efallai y bydd rhai dysgwyr sy'n byw o fewn tair milltir i'r ysgol yn cael trafndiaeth am ddim oherwydd eu hanghenion unigol a materion cymdeithasol.

Disgwylir i'r cynigion gynyddu'r galw am Drafndiaeth i Ddysgwyr mewn nifer o ysgolion. Efallai y bydd angen cyfleusterau gwell a/neu ehangach priodol ar gyfer gollwng a chasglu o fewn y safleoedd i ddarparu ar gyfer y nifer priodol o gerbydau.

Mae Cynllun Corfforaethol presennol y Cyngor yn cynnwys ymrwymiad i bob ysgol yng Nghaerdydd ddatblygu Cynllun Teithio Llesol.

Ceir rhagor o wybodaeth am faterion trafndiaeth yn y ddogfen ymgynghori yn

www.caerdydd.gov.uk/cynigionysgolADY

Ehangu'r ddarpariaeth Ganolfan Adnoddau Arbenigol yn Ysgol Uwchradd yr Eglwys Newydd ar gyfer disgyblion ag Anghenion Dysgu Cymhleth

Mae Ysgol Uwchradd yr Eglwys Newydd yn ysgol Sefydledig Saesneg ar gyfer disgyblion 11-18 oed. Mae'r ysgol yn cynnal Canolfan Adnoddau Arbenigol sydd wedi'i dynodi ar gyfer anghenion dysgu cymhleth. Lleolir yr ysgol dros ddwy safle ar Ffordd y Faenor a Heol Pen-Illin yn yr Eglwys Newydd.

Er mwyn ateb y galw am leoedd canolfannau adnoddau arbenigol uwchradd i ddysgwyr ag anghenion dysgu cymhleth, cynigir:

- cynyddu nifer dynodedig y lleoedd yng Nghanolfan Adnoddau Arbenigol Ysgol Uwchradd yr Eglwys Newydd o 70 i 100 o fis Medi 2022

Cynigir y byddai'r adeilad canolfan adnoddau arbenigol presennol yn cael ei wella a'i adnewyddu, gan greu ystafelloedd dosbarth a manau dysgu ychwanegol.

Sefydlu darpariaeth Canolfan Adnoddau Arbenigol yn Ysgol Uwchradd Willows ar gyfer disgyblion ag Anghenion Dysgu Cymhleth

Mae Ysgol Uwchradd Willows yn ysgol uwchradd gymunedol Saesneg ar gyfer disgyblion 11-16 oed. Lleolir yr ysgol ar hyn o bryd yn Rhodfa Willows, Tremorfa.

Er mwyn ateb y galw am leoedd canolfannau adnoddau arbenigol uwchradd i ddysgwyr ag anghenion dysgu cymhleth, cynigir:

- sefydlu canolfan adnoddau arbenigol â 30 lle yn Ysgol Uwchradd Willows o fis Medi 2023

Cynigir y byddai'r ganolfan newydd yn cael ei darparu i ddechrau yn yr adeiladau presennol, gyda'r addasiadau angenrheidiol yn cael eu gwneud. Yna byddai gofod arbenigol yn cael ei ddarparu fel rhan o ddatblygiad Ysgol Uwchradd newydd Willows.

Ehangu'r ddarpariaeth yng Nghanolfan Adnoddau Arbenigol Ysgol Uwchradd Llanisien ar gyfer disgyblion â Chyflwr Sbectwm Awtistiaeth

Mae Ysgol Uwchradd Llanisien yn ysgol uwchradd gymunedol Saesneg ar gyfer disgyblion 11-19 oed. Mae'r ysgol yn cynnal canolfan Cyflwr Sbectwm Awtistiaeth a chanolfan ar gyfer dysgwyr â nam ar eu clyw. Lleolir yr ysgol yn Heol Hir, Llanisien.

Er mwyn ateb y galw am ddarpariaeth arbenigol oedran uwchradd, cynigir:

- cynyddu nifer dynodedig y lleoedd yng Nghanolfan Adnoddau Arbenigol Awtistiaeth Ysgol Uwchradd Llanisien o 20 i 45 o fis Medi 2022.

Gwnaed gwaith dros dro a byddai gofyn gwneud rhagor o waith i wella ac ymestyn y cyfleusterau a'r llety yn y Ganolfan Adnoddau Arbenigol bresennol.

Ehangu'r ddarpariaeth yng Nghanolfan Adnoddau Arbenigol Canolfan Marion, Ysgol Uwchradd yr Eglwys yng Nghymru Esgob Llandaf ar gyfer disgyblion â Chyflwr Sbectwm Awtistiaeth

Mae Ysgol Uwchradd yr Eglwys yng Nghymru Esgob Llandaf yn ysgol uwchradd wirfoddol a gynorthwyr Saesneg ar gyfer disgyblion 11-18 oed. Mae'r ysgol yn cynnal Canolfan Adnoddau Arbenigol, Canolfan Marion, sydd wedi'i dynodi ar gyfer disgyblion ag awtistiaeth. Lleolir yr ysgol yng Nghlos Rookwood yn Llandaf.

Er mwyn ateb y galw am ddarpariaeth canolfan adnoddau arbenigol uwchradd i ddysgwyr â chyflyrau ar y sbectwm awtistiaeth, cynigir:

- cynyddu nifer dynodedig y lleoedd yng Nghanolfan Adnoddau Arbenigol Awtistiaeth Canolfan Marion o 42 i 66 o fis Medi 2022.

Cynigir y byddai adeilad presennol y ganolfan adnoddau arbenigol yn cael ei wella a'i adnewyddu, gan greu ystafelloedd dosbarth a manau dysgu ychwanegol.

Sefydlu darpariaeth Canolfan Adnoddau Arbenigol yn Ysgol Gyfun Gymraeg Glantaf ar gyfer disgyblion â Chyflwr Sbectwm Awtistiaeth

Mae Ysgol Gyfun Gymraeg Glantaf yn ysgol uwchradd gymunedol Gymraeg sydd wedi'i lleoli yn Heol y Bont yn Ystum Taf ar gyfer disgyblion 11-18 oed. Mae'r ysgol yn cynnal Canolfan Adnoddau Arbenigol ddynodedig ar gyfer anghenion dysgu cymhleth.

Er mwyn ateb y galw am ddarpariaeth canolfan adnoddau arbenigol uwchradd i ddysgwyr â chyflyrau ar y sbectwm awtistiaeth, cynigir:

- sefydlu Canolfan Adnoddau Arbenigol 30 lle ar gyfer dysgwyr ag awtistiaeth yn Ysgol Gyfun Gymraeg Glantaf ochr yn ochr â'r Ganolfan Adnoddau Arbenigol 30 lle bresennol o fis Medi 2023.

Cynigir y byddai gofod newydd yn cael ei ddatblygu ar y safle i ddarparu cyfleusterau pwrpasol ar gyfer y ddwy ganolfan adnoddau.

Ansawdd a Safonau

Mae pob ysgol yng Nghymru yn cael ei harolygu gan Estyn.

Mae Estyn yn sicrhau bod ysgolion yn cynnig safon dda o addysg i'w disgyblion a bod pob plentyn yn cael ei gefnogi i ddysgu gan staff addysgu a dysgu rhagorol.

Mae ysgolion hefyd yn cael eu rhoi mewn un o bedwar categori cymorth lliw (gwyrdd, melyn, oren a choch) fel rhan o System Genedlaethol ar gyfer Categoriiddio Ysgolion Llywodraeth Cymru. Ysgolion Oren a Choch yw'r rhai sydd angen y cymorth mwyaf.

Amlinellir manylion y safonau ym mhob ysgol, fel y nodwyd yn eu hadroddiad Estyn diweddaraf, yn y tabl isod.

Mae'r lliwiau a ddefnyddir yn dangos y categoriiddio diweddaraf, gan ddefnyddio proses Categoriiddio Llywodraeth Cymru ym mis Ionawr 2020.

Ysgol	Dyddiad yr Arolwg	Safonau	Cynnydd
Ysgol Uwchradd yr Eglwys Newydd	Ionawr 2016	Digonol – monitro'n ofynnol	Tynnwyd o'r rhestr fonitro Tach 2017
Ysgol Uwchradd Willows	Ebrill 2018	Digonol / da	
Ysgol Uwchradd Llanisien	Chwefror 2016	Digonol – monitro'n ofynnol	Tynnwyd o'r rhestr fonitro Tach 2016
Ysgol Uwchradd yr Eglwys Yng Nghymru Esgob Llandaf	Chwefror 2018	Ardderchog	
Ysgol Gyfun Gymraeg Glantaf	Mai 2017	Da / digonol	Tynnwyd o'r rhestr fonitro Tach 2018

Ceir rhagor o fanylion am ansawdd a safonau yn y ddogfen ymgynghori ar wefan y Cyngor yn www.caerdydd.gov.uk/cynigionysgolADY

Beth yw manteision y newidiadau arfaethedig?

- Byddai pob un o'r cynigion yn cynyddu nifer y lleoedd arbenigol ar gyfer dysgwyr oedran uwchradd sydd ag Anghenion Dysgu Cymhleth a / neu Gyflwr ar y Sbectrwm Awtistiaeth ac yn helpu i ateb y galw a ragwelir.
- Byddai'r cyfle i gyflogi staff arbenigol ychwanegol a gweithio'n agosach gyda gwasanaethau arbenigol yng Nghaerdydd yn gwella addysgu cynhwysol mewn ysgolion. Byddai hyn o fudd i bob disgybl ym mhob ysgol.
- Byddai'r cynnig i ehangu lleoedd yn caniatáu i ddisgyblion deithio pellteroedd llai i gael mynediad at ddarpariaeth arbenigol leol.

Anfanteision posibl y newidiadau arfaethedig

- Gall newid fod yn anodd i rai disgyblion ag ADY. Efallai y byddai symud i adeilad newydd ar safle newydd yn peri gofid iddynt. Gwyddom y bydd angen cymorth wedi'i gynllunio'n ofalus arnynt i addasu i'r lleoliad newydd. Fodd bynnag, byddai digon o amser i gynllunio a chefnogi cyfnod pontio o'r fath.
- Gallai fod mwy o dagfeydd traffig o amgylch safleoedd ysgol ar ddechrau a diwedd y diwrnod ysgol. Byddai'r Cyngor yn gweithio gyda Chorff Llywodraethu'r ysgol i ddatblygu Cynllun Teithio i leihau unrhyw darfu posibl.

Beth fyddai'r effaith ar staff?

Bydd y Cyngor yn gweithio gyda Chyrff Llywodraethu pob ysgol i fynd i'r afael â'r goblygiadau AD sy'n deillio o ehangu / sefydlu Canolfan Adnoddau Arbenigol yn yr ysgol. Efallai y bydd angen rhagor o staff.

Lle mae'r Corff Llywodraethu wedi mabwysiadu Polisi Adleoli a Diswyddo Ysgolion y Cyngor, bydd unrhyw swyddi gwag newydd sy'n codi o ganlyniad i ehangu / sefydlu'r Ganolfan Adnoddau Arbenigol yn rhoi cyfleoedd i staff ysgol sydd ar y gofrestr adleoli ysgolion.

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor mewn adroddiad ymgynghori. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad.

Bydd y Cyngor a Chyrff Llywodraethu Ysgol Uwchradd yr Eglwys Newydd ac Ysgol Uwchradd yr Eglwys yng Nghymru Esgob Llandaf yn cyhoeddi adroddiad ymgynghori ar eu gwefannau. Bydd yr adroddiad yn nodi'r materion a godwyd gan bobl yn ystod y cyfnod ymgynghori ac yn rhoi ymateb y Cyngor / Cyrff Llywodraethu i'r materion hyn. Bydd yr adroddiad hefyd yn cynnwys barn Estyn ar y cynigion.

Disgwyliwn adrodd ar ganlyniad yr ymgynghoriad ym mis Mawrth 2021.

Os bydd y Cabinet yn penderfynu parhau â'r newidiadau i Ysgol Uwchradd Llanisien, Ysgol Uwchradd Willows ac Ysgol Gyfun Gymraeg Glantaf, rhaid i'r Cyngor gyhoeddi dogfen o'r enw 'hysbysiad statudol'. Datganiad swyddogol yw hwn sy'n dweud y bydd y newidiadau'n mynd rhagddynt. Os bydd Cyrff Llywodraethu Ysgol Uwchradd yr Eglwys Newydd ac Ysgol Uwchradd yr Eglwys yng Nghymru Esgob Llandaf yn penderfynu parhau â'r newidiadau, rhaid iddynt hefyd gyhoeddi 'hysbysiad statudol'.

Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor / Corff Llywodraethu perthnasol o fewn y dyddiadau a nodir ar yr hysbysiad.

Cabinet Cyngor Caerdydd fyddai'n penderfynu ar y cynigion ar gyfer Ysgol Uwchradd Llanisien, Ysgol Uwchradd Willows ac Ysgol Gyfun Gymraeg Glantaf.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Os nad oes gwrthwynebiad i'r cynigion ar gyfer Ysgol Uwchradd yr Eglwys Newydd ac Ysgol Uwchradd yr Eglwys yng Nghymru Esgob Llandaf, byddai'r Cyrff Llywodraethu yn penderfynu ar y cynigion. Gallai'r Cyrff Llywodraethu benderfynu cymeradwyo, gwrthod neu gymeradwyo'r cynigion gydag addasiadau. Bydd y Cyrff Llywodraethu'n ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Pe bai gwrthwynebiadau i'r cynigion ar gyfer Ysgol Uwchradd yr Eglwys Newydd neu Ysgol Uwchradd yr Eglwys yng Nghymru Esgob Llandaf, byddai'r cynigion yn cael eu cyfeirio at y Cyngor i'w penderfynu o fewn 35 diwrnod i ddiwedd y cyfnod gwrthwynebu.

Ar ôl i benderfyniad gael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.

Dweud Eich Dweud

Gallwch gwblhau'r ymateb hwn ar-lein yn www.caerdydd.gov.uk/cynigionysgolADY

Rydym yn cynnig:

- cynyddu nifer dynodedig y lleoedd yng Nghanolfan Adnoddau Arbenigol Ysgol Uwchradd yr Eglwys Newydd i ddysgwyr ag anghenion cymhleth o 70 i 100 o fis Medi 2022
- sefydlu Canolfan Adnoddau Arbenigol 30 lle ar gyfer dysgwyr ag anghenion dysgu cymhleth yn Ysgol Uwchradd Willows o fis Medi 2023
- cynyddu nifer dynodedig y lleoedd yng Nghanolfan Adnoddau Arbenigol Ysgol Uwchradd Llanisien i ddysgwyr â chyflwr y Sbectwm Awtistig o 20 i 45 o fis Medi 2022
- cynyddu nifer dynodedig y lleoedd yng Nghanolfan Adnoddau Arbenigol Canolfan Marion i ddysgwyr â chyflwr y Sbectwm Awtistig o 20 i 45 o fis Medi 2022
- sefydlu Canolfan Adnoddau Arbenigol 30 lle ar gyfer dysgwyr â Chyflwr y Sbectwm Awtistig yn Ysgol Gyfun Gymraeg Glantaf ochr yn ochr â'r Ganolfan Adnoddau Arbenigol 30 lle bresennol o fis Medi 2023

Mae eich barn yn bwysig, felly rhannwch hi gyda ni trwy wneud un o'r canlynol:

- Llenwi a dychwelyd yr holiadur cysylltiedig i'r cyfeiriad a roddir ar waelod y ffurflen.
- Llenwi'r ffurflen ymateb ar-lein yn www.caerdydd.gov.uk/cynigionysgolADY
- Neu, os oes yn well gennych, e-bostiwch eich sylwadau i: ymatebionysgolion@caerdydd.gov.uk

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022. Yn anffodus, ni ellir ystyried unrhyw ymatebion a ddaw i law ar ôl y dyddiad hwnnw

1. Pa un o'r canlynol ydych chi'n ymateb fel?

- Rhiant
- Athro – nodwch eich ysgol:
- Llywodraethwr ysgol – nodwch eich ysgol:
- Arall - rhowch fanylion :

**2. Oes gennych chi blentyn/plant wedi'u cofrestru yn yr ysgolion canlynol?
(ticiwch bob un sy'n berthnasol)**

<input type="checkbox"/> Ysgol Uwchradd yr Eglwys Newydd	<input type="checkbox"/> Ysgol Uwchradd Willows
<input type="checkbox"/> Ysgol Uwchradd Llanisien	<input type="checkbox"/> Ysgol Esgob Llandaf
<input type="checkbox"/> Ysgol Gyfun Gymraeg Glantaf	<input type="checkbox"/> Dd/B
<input type="checkbox"/> Arall; rhowch fanylion: :	<input type="text"/>

3. A ydych yn cefnogi'r cynlluniau a gyflwynwyd i wella'r ddarpariaeth ar gyfer Plant a Phobl Ifanc ag anghenion dysgu ychwanegol?

Ydw Nac ydw Ddim yn gwybod

4. Ydych chi'n cefnogi'r cynnig ar gyfer pob un safle ysgol?

Ysgol a chynnig yn gwyno	Ydw	Nac ydw	Dim barn
Ysgol Uwchradd yr Eglwys Newydd - cynyddu'r nifer dynodedig yng Nghanolfan Adnoddau Arbenigol Ysgol Uwchradd yr Eglwys Newydd ar gyfer dysgwyr ag anghenion dysgu cymhleth o 70 i 100 o fis Medi 2022			
Ysgol Uwchradd Willows - sefydlu Canolfan Adnoddau Arbenigol 30 lle ar gyfer dysgwyr ag anghenion dysgu cymhleth yn Ysgol Uwchradd Willows o fis Medi 2023			
Ysgol Uwchradd Llanisien - cynyddu nifer dynodedig y lleoedd yng Nghanolfan Adnoddau Arbenigol Ysgol Uwchradd Llanisien i ddysgwyr â chyflwr y Sbectrwm Awtistig o 20 i 45 o fis Medi 2022			

Ysgol a chynnig yn gwyno	Ydw	Nac ydw	Dim barn
Canolfan Marion, Ysgol Esgob Llandaf - cynyddu nifer dynodedig y lleoedd yng Nghanolfan Adnoddau Arbenigol Canolfan Marion i ddysgwyr â chyflwr y Sbectrwm Awtistig o 20 i 45 o fis Medi 2022			
Ysgol Gyfun Gymraeg Glantaf - sefydlu Canolfan Adnoddau Arbenigol 30 lle ar gyfer dysgwyr â Chyflwr y Sbectrwm Awtistig yn Ysgol Gyfun Gymraeg Glantaf ochr yn ochr â'r Canolfan Adnoddau Arbenigol 30 lle bresennol o fis Medi 2023			

5. Os ydych chi, neu nad ydych chi, yn cefnogi'r newidiadau a gynigir, eglurwch pam?

6. A hoffech chi awgrymu unrhyw newidiadau neu ddewisiadau amgen?

7. Sylwadau ychwanegol

Enw: Cod Post:

Cyfeiriad:

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror.

Ni fydd y Cyngor yn gallu ystyried unrhyw ymatebion i'r ymgynghoriad a geir ar ôl y dyddiad hwn.

Ni fydd yr ymatebion i'r ymgynghoriad hwn yn cyfrif fel gwrthwynebiadau i'r cynnig.

Ni ellir ond cofrestru gwrthwynebiadau wedi cyhoeddi hysbysiad statudol.

Os hoffech chi gael gwybod pan gyhoeddir adroddiad yr Ymgynghoriad, nodwch eich cyfeiriad e-bost. Os na roddwch gyfeiriad e-bost i ni, ni fydd modd i ni gysylltu â chi.

E-bost:

Dychwelwch y ffurflen hon at Dîm Cynllunio Trefniadaeth Ysgolion, Ystafell 401, Neuadd y Sir, CF10 4UW neu drwy e-bost i ymatebionysgolion@caerdydd.gov.uk erbyn 1 Chwefror 2022.

DIOLCH I CHI AM EICH SYLWADAU.

Amdanoch chi

Nodwch eich cod post isod i'n galluogi i nodi barn ac anghenion ymatebwyr yn fanylach fesul ardal:-

Faint oedd eich oed ar eich pen-blwydd diwethaf?

- Dan 16 oed 16-24 25-34 35-44 45-54 55-64 65-74 75+ Mae'n well gen i beidio â dweud

Ydych chi yn...?

- Benyw Gwryw Arall Mae'n well gen i beidio â dweud

Ydych chi'n eich ystyried eich hun yn berson anabl?

- Ydw Nac ydw Mae'n well gen i beidio â dweud

Ticiwch unrhyw un o'r canlynol sy'n berthnasol i chi:

- Byddar / Wedi colli clyw / Yn drwm fy nghlyw Nam ar y golwg Salwch neu gyflwr iechyd hirdymor (e.e. canser, diabetes neu asthma)
 Anawsterau iechyd meddwl Defnyddiwr cadair olwyn Mae'n well gen i beidio â dweud
 Nam/anawsterau dysgu Nam symudedd Arall

Rhowch fanylion

Beth yw eich grŵp ethnig?

Pan ddefnyddir y term 'Prydeinig', mae hyn yn cyfeirio at y pedair gwlad, sef Cymru, Lloegr, Gogledd Iwerddon a'r Alban, neu gyfuniad o'r rhain.

- Gwyn – Cymreig/Seisnig/Albanaidd/o Ogledd Iwerddon/Prydeinig Asiaidd/Asiaidd Cymreig/Prydeinig – Bangladeshaidd
 Gwyn - Gwyddelig Asiaidd/Asiaidd Cymreig/Prydeinig - Indiaidd
 Gwyn - Sipsi neu Deithiwr Gwyddelig Asiaidd/Asiaidd Cymreig/Prydeinig – Unrhyw gefndir arall
 Gwyn – Unrhyw gefndir gwyn arall Du/Affricanaidd/Caribiaidd/Du Cymreig/Prydeinig – Affricanaidd
 Grwpiau Cymysg/Aml-ethnig - Gwyn ac Asiaidd Du/Affricanaidd/Caribiaidd/Du Cymreig/Prydeinig – Caribiaidd
 Grwpiau Cymysg/Aml-ethnig - Gwyn a Du Caribiaidd Du/Affricanaidd/Caribiaidd/Du Cymreig/Prydeinig – Unrhyw gefndir arall
 Grwpiau Cymysg/Aml-ethnig - Gwyn a Du Affricanaidd Arabaidd
 Grwpiau Cymysg/Aml-ethnig - Unrhyw un arall Unrhyw grŵp ethnig arall (rhowch fanylion)
 Asiaidd/Asiaidd Cymreig/Prydeinig - Tsieineaidd Mae'n well gen i beidio â dweud
 Asiaidd/Asiaidd Cymreig/Prydeinig – Pacistanaidd

Caiff y wybodaeth rydych wedi'i rhoi ei phrosesu gan Gyngor Caerdydd yn unol â Deddf Diogelu Data 2018 a'r Rheoliad Cyffredinol ar Ddiogelu Data. Caiff y wybodaeth rydych wedi'i rhoi i ni mewn perthynas â'r ymgynghoriad hwn ei thrin yn gyfrinachol ond gallai gael ei defnyddio gan y Cyngor neu'i datgelu i eraill yn ôl y gyfraith. Diben prosesu data personol yw oherwydd bod angen perfformio tasg benodol sydd o fudd i'r cyhoedd. Gydag unrhyw ymatebion a ddaw i law, bydd modd gwneud cais amdanynt o dan y Ddeddf Rhyddid Gwybodaeth ac mae'n bosibl y bydd yn rhaid eu gwneud yn gyhoeddus. Wedi dweud hynny, byddai gwybodaeth sy'n cynnwys manylion personol fel enw a chyfeiriad unigolyn yn cael eu tynnu allan.

Am ragor o wybodaeth am sut mae Cyngor Caerdydd yn rheoli gwybodaeth bersonol, darllenwch ein Polisi Preifatrwydd ar wefan y Cyngor.

<https://www.cardiff.gov.uk/CYM/Hafan/Ymwadiad/Pages/default.aspx>